



UKA 2020/189

1/10-2020

Rachel Ingemann

**Uunga siunnersuut: Tuniniaanissamik nittarsaassisarneq aamma nalunaaqutsersuisarneq pillugu
Inatsisartut Inatsisaata allanngortinnissaa pillugu Inatsisartut inatsisaat nr. xx, xx, xxx 2020-meersoq.**
(Inuussutissarsiornermut Aatsitassanullu Naalakkersuisoq)
(Siullermeerlugu suliarineqanera)

Demokraatit siunnersummut tassunga Naalakkersuisut qutsavigai, siunnersuut Nunatsinni innuttassunik ataasiakkaanik ullumimiit pitsaanerusumik inissisimalersitsissammatt.

Demokraatinut pingaartuuvoq sapingisaq tamaat ersarissuunissaq, ammasuunissaq isertugaqannginnissarlu, atuisumut pitsasumik kinguneqarnissaanut qulakkeerinissutaassammatt. Pingaarutilittut isigaarput, atuisup ilisimassagaa, sumut akiliuteqarnerluni aammalu akiusup katitigaanerata ersarissuunissaa akitsuutinut allanullu sanilliullugu.

Siunnersuut taassuminnga qulakkeerinneqataassaaq.

Iluarisimaarpapputtaaq, siunnersuutip pisiassat akiisa naleqqiunnissamut pisisartut peerarfissaat pitsangngorsassammagu. Tamanna pisussaavoq, Naalakkersuisut malittarisassiorsinnaalissammata, suliffeqarfijt assigiimmik akeqartitsinermik nalunaarsinnaatitaanerannik, soorlu assersuutigalugu pisiassap kilomut akiinik. Taamatullu iliuuseqarneq ammanerulernermik kinguneqassaaq.

Naggataatigut nuannaarutigaarput, siunnersuutigineqarmat, Atuisartunik Unammillernermillu Aqtsisoqarfijup nakkutilliinera Naalakkersuisut nalinginnaasumik ilitsersuisinnaatitaanerannut atajunnaassasoq. Taamatullu siunnersuuteqarnermi Atuisartunik Unammillernermillu Aqtsisoqarfik kiffaanngissuseqarluni nakkutilliisinnaalissaq, taamatullu ingerlasoqartariaqartoq, Demokraatit isumaqarput.

Taamatut oqaaseqarluta siunnersuut isumaqatigaarput, Inuussutissarsiornermut- Aatsitassarsiornermullu ataatsimiititaliamut isummerfigisassanngorlugu ingerlateqqipparput.